

Fsch


F XVII 19

Q

(1-13)

F. XVII. 19.

Aronschau, de Compositis Actuum Imper. circa negotia Pacis.
Gaffel, de Praecedentia.
Werlshoff, de Praescriptione inter plures literas.
Korn, de Burgundinis Marchionibus.
Mascou, de Virginitate officiorum unicorum p. 27.
Linc, de Concordantia Nationis Germanicae.
Thomasius, de Jure Asyli, Boni de Gestione Praes. de Abys.
Brennemann, de Limitibus.
Aron, de origine Nobilitatis Germanicae.
Jensenelmann, de Pactis et Mandatis Principis captivi.
Büder, de Successionibus Principum.
Jong, de auspicio Regis Stephani i. Hung.
Aron, de Similibus Welfingum.
de Schell, de Efficacia Pactum illud in contra testium.
Flajder, an Princeps factus sui Tutoris iuris obligari.
Cocceus, de Regimine Republicae regis ejus.
Schumann, de potestate rebellis qui sententiam invidiosam regis appellat sine possid.
Litter, de Dominio Reverendi Offic. de Sano Verum Indicio.
Schreier, de origine juris apertum.
Krugemann, de Moribus Germanorum in Imperio Indicia.



14

ARBITRIVM.
DE
FRANCISCI WALSINGHAMI
EXPLORATIONE AVLICA
CENSURAE
PERILLVSTRIS EXCELLENTISSIMIQVE
VIRI
GEORGII WILHELMI DE RHEINBABEN
CONSILIARII INTIMI
SAXO Salfeldensis
DEVOTIONE SVBIECTISSIMA
OBLATVM
A
IO. HENR. ACKERO.

RVDOLSTADII
MDCGXVII.



MAGNORVM virorum gratia ad praeclara nitentibus decus ac robur est. Non igitur mirabile, generis splendore, splendidae dignitatis administratione, eruditionis sublimitate, meritorum gloria magne magni PRINCIPIS Maecenas, quod in ardua litterarum via, in qua licenter vaga barbaries subinde graui bonas mentes adfligit vulnere, mite gratiae TVAE patrocinium ambiam. Adspirat illa floribus, et molli umbra, dulcis humor est satis musarum, felices reddit, qui fato quodam sunt infelices, ad coelum tollunt laudibus clientes. Sine me igitur impetrare etiam, admitte comiter ad aram sapientiae, ubi laetioris fortunae suffragia dispertis. En exiguam thuris impensam, qua aram illam colo, dabo plura, si per fortunam licuerit. Dia TE interea seruet gratia, foueatque cunctis, quibus haec vita circumfluit, bonis. Vale.

FRANCISCI WALSHINGAMI III
EXPLORATIO AVLICA



ELISABETHAE, Angliae reginae, praestantif-
simis hominibus semper abundavit au-
la. Nam cum in * ipsa esset καλλος,
μεγεθος, σωφροσυνη, Φιλοεργια,
summa omnia, variis adlicere honoris,
fortunaе, virtutis, ingenii praeditis ornamentis sum-
me cupiit. Agere memoratu digna pronum et
in aperto erat in theatro hoc illustri. Atque hic
etiam magna ac nobilis virtus Francisci Walshinghami
praefulsit. Natales splendidi, diuitesque praeclaris
exemplis ad plena gloriae facinora stimulos addide-
rant: intraueratque animum cupido vel occupandi,
in quod maiores felici ascenderant gradu, vel super-
grediendi, fastigium. Sedes ac magistra studiorum
Cantabrigia, locus elegantia moris, ac doctrinae eru-
ditione mistus, ac bene compositus, vbi regali in ma-
gisterio per honestarum artium cultum iuuentam
transfegit.

Haustra confirmabat augebatque itineribus sapien-
ter institutis. Colloquia heroum, virtute, optima
loquendi materia quae decorabantur, negotiorum ex-

A 2

pedien-

* Aschamus lib. 1, epist. 39. edit. Londin.



IV WALSINGHAMI EXPLORATIO AVLICA

pediendorum rationes, aliaque ad acquirendum prudentiae habitum vtilia adiumenta diligenter attendebantur. Rudimenta haec postquam se adprobarant diligentibus et moderatis ducibus, committebant arcana status negotia: capacissimus statim indolis vigor, in aprico ac veluti in lumine explenduit. Aulae obseruatio primuserat scopus. Abstrusis animorum recessibus, et arcanis ministrorum vestigandis perscrutandisque datum contentione nunquam remissa, sed potius aucta atque incitata studium. Nec aulae solum suae vigiles intendit oculos, sed circumtulit etiam per alienas. Exploratores hanc in rem fouit varios variis in aulis, qui abdita elicerent, et ad notitiam perferrent. Atque ita processit sciscitationis hoc negotium, vt in digitis fere haberet, quae in Anglia, Scotia, Hispania, Gallia gererentur: lectique * formula symboli non VIDERE solum, sed etiam TACERE saepius instillabat.

Sed vtinam lucrum superasset impensas, quod Cardanus ** spondit, ac non potius paupertas, onus miserum ac graue, subiisset vicem. Tantum enim explorationis huius curiositate conflatum aeris alieni, vt furtiuo fuerit funere efferendus.

Pec-

* Remarque sur la vie de Walsingham dans memoires de Walsingham p. 579.

** Arcana politica c. xxxv.

WALSINGHAMI EXPLORATIO AVLICA V

Peccauit igitur in propria commoda non sine nota incuriosae suorum imprudentiae. Equidem priuatis oportet vtilitatibus * publicas anteferre, multoque diligentius muneri suo consulere, quam facultatibus; at non ideo negligendae penitus priuatae rationes nostrae. Circa erogationem opum ** ita temperandus animus, vt, et quae expendere iubet officium, libenter eroget, et easdem praeter necessitatem et rationem non dissipet. Aequae enim stultum est, non velle eas fini, cui destinatae sunt, adhibere, et temere profundere, quae melioribus debentur vsibus. Praesertim cum illud multiplicem officii violationem habeat coniunctum, et hoc ad multa vitia, ac molestias, puta, aes alienum, foedam paupertatem, rapinas, fraudes, furta, viam sternat.

Sed, inquis, non fuisse praeter necessitatem et rationem factum. Vrsisse reginae causam, quae sine impensa ista non potuisset felici successu explicari. Ita vero regina ex iustitiae *** regulis, quae indemnes praestat tali in negotio, pensare debuisset: et quis crederet diuinitus meritam de quamplurimis nega-

A 3 tu-

* Plinius lib. vii. ep. 18.

** Pufendorff. ius nat. et gentium c. iv. §. 10.

*** Huber de iure ciuitatis lib. ii. sect. c. 5.

§. 2. p. m. 539.

VI WALSINGHAMI EXPLORATIO AVLICA

turam fuisse, si tabulae expensarum fecissent fidem.

Subductis rationibus omnibus Walsinghamum credo nimia cupiditate illustrioris fortunae, nimio, per quod obtinenda erat, gratiae regalis studio lapsum fuisse. Scilicet sublime et erectum * ingenium pulcritudinem ac speciem excelsae magnaeque gloriae vehementius saepe quam cautius adpetit. *len*

Qui non sunt contenti modico principum favore, qui infinite gratiam concupiscunt, qui immenso flagrant desiderio proferendi gradum ad altiora, exitium nostri suae adhibeant cautioni. Erudiant huius infelicia fata non minus, quam regulae politicae, quae a summis ** viris de meliore commendantur.

Studeamus denique omnes magis placere Deo, cuius gratia perennis, quam principibus, quorum mentes in horas saepe mutantur.

PRINCIPI QVOD *** PRINCIPVM PLACEAT, LEGIS
APVD NOS HABEAT VIGOREM.

AD-

* Tacitus in vita Socris c. iv.

** ill. Menckeni schediasma de comment. hist.

P. 47.

*** §. III. instit. de I. N. G. et C.

WALSINGHAMI EXPLORATIO AVLICA VII

ADNOTATIONES

COLLOQVIA HEROVM)

Georgius Sabinus in interpretatione fabularum Ouidii p. 190. Magnorum, inquit, principum ac fortium virorum colloquia debent esse de rebus honestis et grauibus. Sunt autem honestissima colloquia de virtute. Itaque finguntur heroes apud Achillem in conuiuio non habere alios sermones, nisi de memorabilibus factis:

Non illos cytharae, non illos carmina vo-
cum

Longaque multifori delectat tibia buxi
Sed noctem sermone trahunt, VIRTVSQVE
LOQVENDI

MATERIA EST: Pugnam referunt ho-
stisque suamque,
Inque vices adita atque exhausta pericula
saepe

Commemorare iuuat, quid enim loqueretur
Achilles

Aut quid apud magnum potius loquerentur
Achillem?

ERV.



VIII WALSINGHAMI EXPLORATIP AVLICA

ERVDIANT WALSINGHAMI INFELICIA
FATA)

Errores monstrari modeste talibus in exemplis magni interest ad emendationem gloriosam. Optandum, ut in scholis politicis huiuscemodi exempla proponerentur saepius, neque solum illud Euclideum, ὅπερ ἔδει δεῖξαι sed alterum, quod in Euclidis problematibus est, ὅπερ ἔδει ποιῆσαι studiosius vrgeretur: minus fortassis pullularet in vita vitiorum, quae nunc succrescunt vberime ut herba irrigua. Ill. Boineburgius huc vertit aciem mentis exaedificato opere de usu errorum in republica.


Celeb. Struuii Acta litteraria fasc. iii.

p. 12. 13.

1078

Pica





14

ARBITRIVM
 DE
 FRANCISCI WALSINGHAMI
 EXPLORATIONE AVLICA
 CENSURAE
 PERILLVSTRIS EXCELLENTISSIMIQUE
 VIRI
 GEORGII WILHELMI DE RHEINBAREN

CONSILIARII INTIMI
 SAXO Salfeldensis
 DEVOTIONE SVBIECTISSIMA
 OBLATVM
 A
 IO. HENR. ACKERO.

RVDOLSTADII
 MDCCXVII.

